



Qaqortoq 17. februar 2016

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

Apeqqutit:

- 1. Namminersorlutik Oqartussani taassumalu ingerlataani piffissap aaliangersimasup iluani nunaqavissunik ilinniarsimasunik amerlanerpaanik sulisoqalernissamik pilersaaruteqartoqarpa?**
- 2. Namminersorlutik Oqartussani atorfiit nunaqavissunik inuttalorsornerulernissaannik siunertaqarluni atorfinitsitsinermut politikiliornissaq aningaasatigut allaffissornikkullu suut kingunerissavai? – Taamatullu politikiliortoqassappat Naalakkersuisut suut pitsaaqutitut ajoqutaasinnaasutulluunniit isigaat?**
- 3. Namminersorlutik Oqartussani atorfillit pikkorissartittarnerini nunaqavissut sallinneqarpat? Nunaqavissut pikkorissaanerni piginnaangorsaqqinneqarlutik sallinneqarpata suut kingunerissavai?**
- 4. Namminersorlutik Oqartussani atorfilinnik nunaqavissunik piginnaangorsaqqiinissamut immikkut iliuseqarnissamik pilersaaruteqartoqarpa?**
- 5. Namminersorlutik Oqartussani nunaqavissut qaffasissumik atorfeqalernissaat siunertaralugu piginnaangorsaqqiineq qanoq akeqassava?**
(Inatsisartuni ilasortaq Múte B. Egede, Inuit Ataqatigiit)

Tunngavilersuut

Ukiorpassuarni anguniagaasimavoq oqallisaaajuartarlunilu nunatsinni pingaartumillu pisortat iluanni atorfiit amerlanerpaat nunaqavissunik inuttaqartariaqartut. Namminiilivinnissamik siunnerfeqarnitsini tamanna oqallisigiinnarnagu timitalernissaa avaqquneqarsinnaangilaq, pitsaasumillu periarfissiuunneqartariaqarluni.

Soorunami taamatut siunnerfeqarneq avataaniit suliartortunik suliartortussanulluunniit ajattuineramik siunertaqassangilaq. Siunertaasorli tassaassaaq avataaniit isumalluuteqarnerup annikillisarmissaa. Taamatut siunertaqarluni allorianginnermi qulaajagassat arlariupput taamaammallu apeqqutit uku nassiuppakka.

Ullut suliffiusut qulit iluanni apeqqutima akineqarnissaat kissaatigaara.